


1937

თქტომბერი

საქართველოს
საბავშვო
საზოგადოებრივი
საბჭო

37237



1937 წ. 9 ნომ.

1937 წ.

№ 9



ოქტომბრული

საბ. ა. ლ. კ. კ. ციკას და საბ. ზანსახოვის ერთობიური ორბანო

შინაარსი

	83-
1. ილია სიხარულიძე—დაბრუნება სკოლაში (ლეჟსი)	1.
2. წიკილი მამისი მორაქის	2.
3. მამისი მორაქი—ბელურას ბარტყი (მოთხრობა თარგმანი ირ. ქავ- ეარაძისა)	2.
4. ქალე გოგონისძე—რაზმის ბელმძღვანელი (ლეჟსი)	4.
5. ი. ჩხაძე—შაქირა (მოთხრობა)	5.
6. მიშაბალი—პატარების სიმღერა (ლეჟსი)	7.
7. არნო მნელი—ნოდარის ოცნება (ლეჟსი)	8.
8. ლავრანტი შინიანძე—აქიდღები (მოთხრობა)	9.
9. ბლი-ბაბა—(აღმოსავლური ზღაპარი თარგმანი ი. გრიშაშვილისა)	12.
10. ნიკო კეცხოველი—წყლისსათელია (ნარკვევი)	15.
11. ა. აკოვოვი—პატარა ლიზიკო (ლეჟსი)	16.
12. ლადო კახიანი—მაჩვზღარბი (ნარკვევი)	16.

გ ა ს ა რ ი ო ბ ი

- 13. ბლ. სანინოვი—გამოცანა გარეკანის მე-4 გვ.
- 14. კლ. თხვაჯაძე—ანოცანა ასანთებზე გარეკანის მე-4 გვ.
- 15. ჯოჯოჯი დაღინანი—გამოცანა გარეკანის მე-4 გვ.

ქრნალი გაფორმებულია მხატვარ ივ. ჯაფარიშვილის მიერ.

ქრნალის გარეკანის პირველ გვერდზე მოთავსებულია ი. ჭაჭავაძის ობე-
ლისკი, რომელიც გიხსნა წიწამურში 12 სექტემბერს. ნახ. ეკუთვნის დონს.

3/მგ. რედაქტორი ბაბო ჭაჭავაძე 3/მგ. მდივანი ლ. შინიანძე


გადეცა წარმოებას 10/VIII-1937 წ. ქალაქის ზომა 60x92
ბელმოწერილია დასაბეჭდად 13/IX ფორმათა რაოდენობა: 16 გვ. 9 1/4 x 14

დაბრუნება სკოლაში

პო პო, რა ფუსფუსია!
საფუტკრეს მოგაგონებს!
სკოლა კვლავ აუვისია
ბიჭებსა და გოგონებს:
მოგროვილან ყველანი,
სკოლას ისევ სწევვიან,
ხელს ართმევენ ერთმანეთს,
ჰკოცნიან, ვეხვევიან!
აგერ, სკოლის სასწოართან
არის გაწამაწია:
„რვა კილო ღოვიმატე!“
ამბობს გივი პაწია,
ოთხი კილო ფეხებზე
მართო ბუცი აცვია.
ყველაფერი ირკევეა
მათი ლაპარაკიდან:
ვინ სოფლიდან მოსულა
და ვინ აგარაკიდან,
ვინ ბანაკში ყოფილა,
ვინ — ქვიშხეთში, ვინ — ცემში.
ვინ — შავ ზღვაზე, ბათუმში,
მჯდარა ნაეში და გემში;
ვის ცურვა უსწავლია,
ვის — ცეკვა, ვის — ჰალრაკი,
ვის — საღამურზე დაკრა,
სიმღერა, ხმის რაკრაკი.
ნიკო ამბობს: „ცურვაში
ვერვინ შემეჯიბრებთ,
მხარულს ისე მოვეუსვამ,
რომ მნახოთ, გაკვირდებით!“
— „ჰალრაკში ვინ მაჯობებს!“ —

ამბობს ილარიონი, —
წელს ქვიშხეთის ბანაკში
ვიყავი ჩემპიონი!“
აგერ, მასწავლებლები!
ყველანი აქ არიან:
პეტრე, ნიკო, არჩილი,
ივანე, ზაქარია!
აგერ, სკოლა სულ ყველას
მოეწონა ძალიან:
დერფენი პრიალებს,
პარტები ახალია,
დაფებს სახე უბრწყინავთ,
დგანან შედებილგნი,
შავ ჩარჩოზე უწყვიათ
ცარცის თეთრი კბილები...
ყველაფერი შზად არის:
ხელსაწყო და წიგნები,
ისმის: „ფრიადოსანი
წელს უთუოდ ვიკნები“.
არის ერთი ამბავი,
კისკისი, ხმაურია,
ყველას სწავლის დაწყება
მოუთმენლად სწყურია...
და .. ზარიც აწკრიალდა,
უხვად ხმები დაფანტა...
აჰა, სწავლა დაიწყო,
ვინ ზის, ვინ დგას დაფასთან,
მასწავლებელს უსმენენ
დინჯად, გულმოდგინებით,
ზიდის დრო შეუჩნველად,
თავისუფალ დინებით.

2008



ნაჩილი მაქსიმ გორკის.

ერთხელ აღექვი მაქსიმეს ძე გორკიმ მიიღო წერილი ექვსი წლის ბიჭისაგან, ბორისაგან.

„ძია ალიოშა, მიყვარხარ, — სწერდა ბორია. — გყავს თუ არა ცხენი, ძროხა და ხარი? დამიწერე მოთხრობა ბელურას ბარტყზე და კიდევ დაგვიწერე რაიმე მოგონილი მოთხრობა, რომ ბიჭი ანკესით თევზაობდეს.

გკოცნი. ბორია. შენი ნახვა მინდოდა“.

o

ეს იყო 1912 წელს.

აღექვი მაქსიმეს ძემ ბორიას უპასუხა მართო წერილით კი არა, არამედ მოთხრობებითაც. ერთ იმათგანს ვებეჭადვთ ჟურნალში.

ა. მ. გორკიმ მოთხრობას ბორიასებურად დაარქვა: „ბელურას ბარტყი“.



გორკი თავის შვილიშვილთან.

მაქსიმ გორკი

ბელურას ბარტყი



ელურებშიაც, სწორედ ისე, როგორც ადამიანებში, არიან მშობლები — ბელურები, მოსაწყენი ჩიტუნები. ისინი ყველაფერზე ლაპარაკობენ, როგორც წიგნში სწერია ხოლმე, ახალგაზრდები კი თავის ქუფზე დადიან.

იყო ერთი ყვითელნისკარტა, პატარა ბელურა, სახელად პუდიკი; ის ცხოვრობდა აბანოს სარკმლის თავზე, თამასას ზემოთ, ძენძითა, ხავსითა და სხვა რბილი მასალით ჩამთბარ ბუდეში. ფრენა ჯერ არ უცდია, მაგრამ ფრთებს უკვე აქნევდა და წარანსრა ბუდიდან იცქირებოდა.

— რას იტყვიან? — ეკითხებოდა მას დედა-ბელურა.

ბარტყი ფრთებს აფართხუნებდა, მიწას დასცქეროდა და ქიკიკებდა:

—რა შავია, რა შავია!

მამიკო მოფრინდებოდა, პუდიკოსათვის მუშლი მოჰქონდა და ტრაბახობდა:

— ხომ ვარ ბიჭი, ბიჭი?

დედა-ბელურა მას ამხნევებდა:

— ბიჭი ხარ, ბიჭი!

პუდიკო მუშლს ყლაპავდა, თან ფიქრობდა:

— რას იბზიკებთან, — ფეხებიანი ჭია მომცეს! საოცარი!

და წარამარა ბუდიდან ამოძვრებოდა ხოლომე, აქეთ-იქით იცქირებოდა.

— ბიჭიკო, ბიჭიკო, — დელავდა დედა, — ნახავ, თუ არ გადაიჩნებები!

— სად გადავიჩნებები?

— სად და მიწაზე გაადენ ტყაპანს, კატა — ყლაპ და გადაგსანსლავს, — უხსნიდა მამა და სანადიროდ მიფრინავდა.

ყველაფერი ასე მიდიოდა, ფრთები კი ზრდას არ ჩქარობდა. ერთხელ ქარმა დაუბერა. პუდიკო კითხულობდა:

— რა ქრიკინია? რა ქრიკინია?

— ქარი დაგებერავს — ჭიკ! და მიწაზე დაგადგებს კატისათვის, — უხსნიდა დედა.

ეს პუდიკს არ მოეწონა და თქვა:

— ხეები რატომ ქანაობენ? შესწყვიტონ, მაშინ ქარი აღარ იქნება...

დედამ სცადა აეხსნა, რომ ეს სწორი არ იყო, მაგრამ ბარტყმა არ დაუჯერა — ის ყველაფერს თავისებურად ხსნიდა.

აბანოს გვერდით გლეხი მიდის, ხელებს იქნევს.

— მისთვის კატას ფრთები სულ მთლად მოუგლეჯია, — თქვა პუდიკმა, — მხოლოდ ძვლებილა დარჩენილა!

— ეს ადამიანია. ადამიანები უფროთონი არიან! — უთხრა დედა-ბელურამ.

— რატომ?

— ასეთი ჯიშისა არიან, უფროთონ უნდა იცხოვრონ, ისინი მუდამ ფეხებზე დადიან, ჭიკ!

— რატომ?

— მათ რომ ფრთები ჰქონდეთ, ისე დაგვიქერდნენ, როგორც მე და მამიკო მწერებს ვიჭერთ ხოლომე...

— ქორია! — თქვა პუდიკმა. — ქორი. ჩმახი! ყველას ფრთები უნდა ჰქონდეს. ალბათ, მიწაზე უფრო ცუდია, ვიდრე ჰაერში! როცა დიდი ვავხდები, ისე მოვაწყობ, რომ ყველა ფრენდეს.

პუდიკს დედისა არა სჯეროდა.

ჯერ არ იცოდა პუდიკმა, რომ დედის არდამჯერებს საქმე ცუდად წაუვიდოდა.

პუდიკი სწორედ ბუდის კიდებზე დასკუპულრიყო და მთელი ხმით მღეროდა თავის მიერ გამოთქმულ ლექსებს.

უფროთო ადამიანს,

მაინც გჰამენ მწერები.

ვპ, გაქვს მხოლოდ ფეხები.

მე კი სულ პატარა ვარ,

ბუმბერაზს, დიდტანიანს

მაგრამ მწერებს თვითონ ვჰამ.

მღეროდა, მღეროდა და ბუდიდან გადმოვარდა. დედა-ბელურა გამოედევნა. კატა — წითური, მწვანეთვალეებიანი — სწორედ იქვე დაუხვდა. შეშინდა პუდიკო. ფრთები გაფარჩხა, თავის რუხ ფეხუნებზე ქანაობს და ჭიკჭიკებს:

— ქირიმე, კატუნა, ქირიმე.

აბურძენული დედა-ბელურა პუდიკს განზე მიაგდებს. საშინელია დედა, გულადი, ნისკარტი დაულია—კატას შიგ თვალეზში უმინებს:

— გასწი, გასწი! გაფრინდი, პუდიკ, ფანჯარაზე დაფრინდი, გაფრინდი!

პუდიკი მიწიდან შიშმა წამოაგდო. იგი შეხტა, ფრთები დაარხია, დაარხია და ფანჯარაზე გაჩნდა! იმ წამსვე დედაც მოფრინდა—ბოლომოკლეჯილი, მაგრამ მინც ძლიერ გახარებული, შეიღოს გვერდით მოუჯდა, თავში ჩაუნისკარტა და უთხრა.


— ისწავლე ქკუა?

— ქკუა! ქკუა! — თქვა პუდიკმა, — ყველაფერს ერთბაშად ვერ ისწავლი!

კატა კი მიწაზე ზის და თათებიდან დედა-ბელურის ბურტყულს იშორებს, შესტკერის მათ წითური, მწვანეთვალეზიანი და გულნატკენი კნავის: — ასეთი პა-ატარა ბელურა, თავუნასავით... მია-უ.

და ყველაფერი კეთილად დასრულდა. თუ დავევიწყებთ, რომ დედა ბოლო-მოკლეჯილი დარჩა.

თარგმან რუსულიდან ირ. ქავთარაძემ



კლე ბოგონიძე



ამხ. ლ. ბერიას სახელობის ქვიშხეთის
ბანაკის პიონერებს

ქვევით ღელავს თეთრი ხევი,
მზის სხივებზე ღელე ბრწყინავს,
შენ წითელი ყელსახვევი
გულს ყაყაჩოდ დაგეფინა!

პიონერებს აწყობ რიგში,
მათთან ერთად შენც მზადა ხარ,
ვინც ოქტომბრის ქარში იშვი
და მხემ ნორჩი დავინახა!

ბედნიერი ქვეყნის შეილო,
გაიხარდე, სხვებიც ხარდე,

ნორჩ ყვევილად გადაშლილო,
თავდაცვისთვის მოეშაღე!

მოგვიწოდებს საზღვრის მკველად
ბელადი და ჩვენი მხარე,
შენც საშობლოს გმირი ყველა
მშობელოვით შეიყვარე!

ქვევით ღელავს თეთრი ღელე,
მიჩხრიალებს წყარო ველად,
შენი ხალხი ასახელე,
მზად იყავი საბრძოლველად!

შაქირა

1

შაქირა ხალვაში იმ დღით აღრე თავისი ორი ამხანაგით სკოლისაკენ მიდიოდა. ბავშვები მხიარული საუბრით მიჰყვებოდნენ რკინისგზის ხაზს, რომელიც გვირაბში შედიოდა და ზღვის გასწვრივ გაწოლილ ნაძენარებს შორის მიიკლავებოდა. შაქირა ნელა მიდიოდა და თავისი ზარივით წკრიალა ხმით ხან მღეროდა და ხანაც ნაირნაირ ამბებს უყვებოდა ამხანაგებს ზღვაში ცურვისა, თევზაობის და რკინისგზაზე მომხდარი შემთხვევების შესახებ, რაც მამისაგან ჰქონდა გაგონილი.

შაქირას მამა სულეიმანი ბათომ-თბილისის რკინისგზის ხაზზე მუშაობდა და ამჟამად ჩაქვისთავ-ციხისძირის უბნები ებარა. დახელოვებული იყო ამ საქმეში სულეიმანი. ხშირად აჯილდოვებდნენ, როგორც ფხიზელ მუშაკს, მაგრამ ამ ენერგიულ კაცსაც კინადამ მოუვიდა საშინელი მარცხი, რაც ცუდი ამინდებით იყო გამოწვეული.

იმ დამეს საშინელი დარი იდგა. ასეთი ამინდები მხოლოდ შავიზღვის სანაპირო ადგილებში იცის. შეუჩერებლივ მოდიოდა კოკისპირული წვიმა და ჩამონელეებული ცა ველის ნამსხვრევებს აყრიდა ნისლში გახვეულ სერებს. ხან აქ და ხან იქ გადაიგორილებდა მეხი და შავი ზღვა დაქრილ ლომივით ღმუოდა.

სულეიმანმა ამ საშინელ წვიმაში რამდენიმეჯერ დაათვალიერა რკინისგზის ხაზი და სადარაჯო საყუდში შევიდა. რკინისგზაზე მშვიდობიანად ჩამოიქროლა შუალამისას საფოსტო მატარებელმა, ცეცხლის ოქროსფერი ნაპერწკლები მიმოფანტა ირგვლივ და ბათომისაკენ გასწია... მერე საფოსტოს სამარშრუტო მატარებელი მოჰყვა და ყველაფერი მიწყნარდა.

მოახლოვდა ალიონი. გადაიღო წვიმამ. ქარი ჩადგა. რუხი ღრუბლები მიმოიფანტნენ და ვარსკვლავებით მოქედილ ცაზე გამოჩნდა მთვარე, რომელიც მწიფე ფორთოხალივით ეკიდა უხილავ სივრცეში. სულეიმანმა ერთხელ კიდევ დაათვალიერა მთავარი ადგილები, განვლო გვირაბი, გადახედა აღელვებულ ზღვას, რომელიც გამაყრუებელი გრიალით ეხეთქებოდა კედლებს. როცა სულეიმანი უკან გამობრუნდა და გვირაბში შევიდა, გარედან მოესმა მძლავრი ხმა, რომელიც ზღვის ტალღების ხმაურისაგან დიდად არ განირჩეოდა, ანგარიში არ გაუწია, დაბრუნდა და სადარაჯო საყუდის წინ გაჩერდა. აქ იდგა დიდხანს. ნელ-ნელა გათენდა. სულეიმანს უეცრად მოესმა ხმაური. გამოერკვა.

- მამა, გძინავს?! - სულეიმანმა თავის შვილი იცნო.
- შაქირა ხარ? რისთვის მიდინხართ ასე აღრე სკოლაში?
- მორიგე ვარ.
- წადი...

შაქირა გზას გაჰყვა თავის ამხანაგებთან ერთად.



მშენიერი დილა იყო. ციხისძირისა და ჩაქვის მუდამ მწვანე მიდამოები, მაისის წვიმის პირდაპინილი ყვავილები და ახალაღორთილი მოლით დაფარული მინდვრები ნაირნაირ ფერებში ელავდა. მანდარინ-ფორთოხლის ბუჩქებში მიმალული ბუღბუღები საამურად გალობდნენ. ეკალიატების, კრებტომერებისა და მაგლონიების ხეებიდან წელი ხმაურით ეშვებოდა წვიმის წვეთები, ხოლო ველური სურთით დაბურული ციხისძირის მთა მღუმარებით მოკული იდგა.

ყველაფერი ისევანდბდა, გარდა შავი ზღვისა, რომლის ამთაგორებულ ტალღები გუგუნით მოემართებოდნენ ნაპირისაკენ, ეხეთქებოდნენ მთას და შუილით ეშვებოდნენ დაბლა.

ბავშვებმა მხიარული საუბრით დიდი გზა გაიარეს ყიჟინთა და ხმაურით, გაირბინეს გვირაბი, ერთხელ კიდევ დაათვალიერეს ზღვაში ჩაწოლილი ლოდები და წინ წავიდნენ. გაიარეს ცოტაც და შაქირა გაჩერდა, კისერი დაიგრძელა, თვალები ფართედ დააღო.

— ბიჭებო, ეს რა მომხდარა? — გაოცებით შეჰყვირა მან.

ყმაწვილებმა აქეთ-იქით მიმოიხედეს.

— სად იტკირებით... ვერ ხედავთ ამ ვეებერთელა კლდეს, როდის იყო აქ? მთელი მთა მონგრეულა, ბიჭოს, რელსებიც გაუხეთქია!


გაოცებული ბავშვები სწრაფად მიცივდნენ მთიდან გადმოგორებულ ლოდს. გაოცდნენ. ლოდის მახლობლად რკინის გზის რელსი შუაზე იყო გახეთქილი.

შაქირამ სწრაფად გაიაზრა ყველაფერი: წვიმის გამო მთიდან ლოდი მორღვეულა, რკინისგზაზე დაგორებულა და დაზიანება გამოიწვევია, მაგრამ...

— მამამ იცის ეს? — სწრაფად გაიფიქრა შაქირამ. — ამ დილით მატარებელი გამოივლის. აქეთ კლდეები... იქით აბობოქრებული ზღვა... წინ გვირაბი... — შაქირა წარბშეკრული დაჰყურებდა გახეთქილ რელსს. მისი ამხანაგები ფერგამკრთალნი იდგნენ და შაქირას უმზერდნენ.

— არიქა, ბიჭებო, მამაჩემთან გავიქცეთ, გავაგებინოთ! — წამოიძახა შაქირამ, ჩანთა მოიძრო და ის იყო გაქცევის აპირებდა, რომ ქობულეთის მხრიდან ორთქლმავლის ხმა და მატარებლის გრიალი მოისმა.

— დილის მატარებელი მოდის! — შეჩერდა შაქირა, დაფიქრდა. რა ქნას? გაიქცეს? მისაწრებს კი მამასთან? მატარებელი ახლოვდება. ახალამწვანებულ ხეებს იქით გამოჩნდა კვამლი და ისევ განმეორდა ორთქლმავლის კვილი. მატარებლის ბორბლების გრიალი რელსების ქრიალში ირეოდა. შაქირა წინ წავიდა, თითქოს აღარა ესმოდა რა, მატარებლის ხმაურის გარდა. იგი სწრაფად ავიდა მომალლო



ბექობზე და რკინისგზის გასწვრივ გაჩერდა. ნელა მოიხადა ქუდი. წინ არაფერი არ ჩანდა, გარდა ხეებისა და ბუჩქებისა. მატარებელი მთელი სისწრაფით მოკროდა ისე, როგორც გვირაბში შესვლის წინ იცის ხოლმე, მაგრამ თვით მატარებელი ჯერ არ ჩანდა. ამხანაგები შიშით მიუახლოვდნენ შაქირას, გაჩერდნენ მის გვერდით და აღმართეს ქულები. მოახლოვდა მატარებელი. აი საცაა გამოვა. ბავშვები უშედეგოდ აქნევენ ქულებს. სულ ორიოდ წამი — და ხალხით საცეს

მატარებელი ან ზღვაში გადაეშვებოდა, ან ციხისძირის მთებს მიეხეთქებოდა. შაქირამ სწრაფად გაიაზრა ყველაფერი. რა მოუვან მამას? რა მოუვან მათ, რომლებიც მატარებელში სხედან? მემანქანე ვერ ხედავს ბავშვებს, ან ხედავს და არ სჯერა. შაქირა რკინისგზაზე გამოვიდა და სწრაფად მომავალი ორთქმავლის წინ მარდად დაიქნია ქუდი.



რამდენიმე ნაბიჯის დაშორებით შეჩერდა მატარებელი, ხოლო აღელვებული ბიჭი ბეჭობს მიაწყდა. გაჩერდა მატარებელი. დაცარიელდა ვაგონები. მგზავრები გარს შემოეხვიენენ გმირ ბავშვს. შაქირას დანახვა ყველას აინტერესებდა. რამდენი სიცოცხლე გადაარჩინა ოქტომბრულმა შაქირამ თავისი გმირული მოქმედებით! რკინისგზის ხელმძღვანელობამ მადლობა გადაუხადა ბავშვებს და შაქირა ძვირფასი საჩუქრით დააჯილდოვა.




მ ი მ ქ ა ე ლ ი

პატარავის სიძულესა

სამშობლოვ,
სამშობლოვ,
ცა ფიროზულალებით!
მიყვარხარ,
ვით დედის
კეთილი თვალები.
ეს მდღელოს
ბიბინი,
მწვანეზე
სრიალი...

ვიზრდებით,
მოვდივართ,
კისკისით,
წყრიალით.
შენი მზე,
შენი მზე
გვათბობს და
გვახარებს —
კომუნის
აკვანში

დანარწევ
პატარებს,
ვაშა შენს
კალთებში
გულს ღებენით
ანამდგერს —
შენს დროშებს
აღისფერს...
— ვაშა ჩვენს,
ოქტომბერს.



ნოდარის დცნება

1

ღუხელ ბაღში გატაცებით
 კითხულობდა მამა გაზეთს,
 თან ზურციკოს, თამარს, ნოდარს
 უამბობდა ამბავს ასეთს:
 „მოსკოვიდან ამერიკას
 გადაფრინდა ექვსი გმირი,
 და მოედო მთელ მსოფლიოს
 ეს ამბავი გასაკვირი.
 სადაც ირგვლივ ყინულია,
 თოვლია და მძაფრი ქარი,
 არ ჩანს მიწა, არ ჩანს კაცი,
 არც ეზო და არც სახლქარი, —
 დაუშვებლივ, უსვენებლივ
 გადალახეს გზები ძნელი,
 აინუნშიც არ მოსვლიათ
 გაკირება — განსაცდელი“
 — მითხარ, მამი, ნუთუ მფრინავს
 არ ელღება თვალი, ხელი,
 ნუთუ კაცი გაგონილა
 ამდენ ფრენით დაუღლეელი?
 — ისინი ზომ გმირებია,
 სხვა გული აჭეთ, სულ სხვა მკლავი,
 მათი მკერდი ფოლადისგან
 ნაწრთობია, ნაკუდავი...
 ჩვენ მომავალს უნდა მივცეთ
 უამრავი მათი მსგავსი,
 როდი ჰშვენის ჩვენს სამშობლოს
 ლაჩარი და ქონდრის კაცი“.
 ამ დროს მამა მათ უჩვენებს
 გმირ ჩკალოვის ლამაზ სურათს,
 ნატრობს ნოდარ: „ნეტავ მასთან
 ცის ლავეარდში შემატურა!“

2

ივანშემს და დიდიძენს,
 ჩვენი ნოდარ სიზმარს ხედავს:

შორს სამგზავროდ გაეშაზა,
 ეთხოვება მამას, დედას.
 თვითმფრინავი მომართა და
 მოიპარჯვა ხელში სავე...
 განა მარტო... კაბინაში
 ზურციკოს და თამარს აჯენს.
 ჯერ ლავეარდში გაიჭროლა,
 შეერია ღრუბლებს მერე,
 ბოლოს ისე გაერთობა,
 ერთს ტკბილადაც შეიძღვრებს.
 არ გვეგონათ ჩვენს მფრინავში
 გულადობის ძალამ იკლოს —
 უცბათ... სადაც არ ელოდა,
 შეეჩება პირქუშ ციკლონს!
 მეტი რა გზა ჰქონდა ნოდარს,
 შემობრუნდა მყისვე უკან,
 და ყინულის ფართო ველზე
 თვითმფრინავი ჩამოსკუპდა...
 მაშ რა ეჭნა — მგზავრები ჰყავს,
 როდი უნდა ცუდი მათთვის!
 ვაი, ნახეთ... ყინულებზე
 ამობობდა თეთრი დათვი...
 აქ ჩვენ ნოდარს გაეღვიძა,
 მიიჩერდა ჰერს და კედელს
 და მიეცა აღტაცებით
 ტკბილ ოცნებას განუწყვეტელს.

3

ღილით, როცა ზეზე იდგა,
 მამის მისცა მტკიცე სიტყვა:
 „გავიზრდები, ჩემს ფრენაზე
 ენახათ, თუ რა ჭემა ითქვას!“
 და მის შემდეგ ამ დღდ მიზანს
 არ შორდება მისი ფიქრი,
 ხშირად ხედავს ბოლმე სიზმარს:
 თვითმფრინავით შორს... შორს მიჰქრის!



საბჭოთაობა

ვახო, შეიღივით ნახარდო,
ულვაშებ ვადგიგრებია,
ჩაჭკონებია ჩიგოსა,
შუაზე ვადგიტებია.

რაფიელ ერისთავი.

1.

ოფელში უცნაური ფაცოფუცია, გლეხები მარნებში აგროვებენ გოდრებს, კალათებს, რეცხავენ საწნახლებს. მოსუფთავებულია ჭურისთავეები. პატარა ქოცოებს ზემოდან რეცხავენ ხნიერი გლეხები. ახალგაზრდები ვეება ჩასავალ ჭურებში ჩასულან, მღერიან და უცნაური გაბობებული ხმა ისმის.

შხია და ოთარიკო იმზადებენ დნებსა და პატარა კალათებს. ყოველდღე ელიან რთველში გასვლას. პატარებმა არ იციან, თუ უფროსებმა როგორ გააკეთეს ამდენი ვენახი. მერე რა

ოსტატურად არის დაგრული, მწკრივებია ჯვარედინად. გახედვე ლარივით მწკრივს და ყოველ ვაზზე ოქროსფერი მტევნები ასხია.

შხია და ოთარიკო ერთმანეთს შეჰკამათობენ:

— მე მიყვარს კრახუნა, ოპ, რა გემრიელია! პირში რომ ჩაიდებ, მარცვლები კი არ იქუციტება, არამედ კრახაკრახი ვაქეს. ალბათ, კრახუნაც ამიტომ დაარქვეს, — ოთარიკო აქებდა კრახუნას და თანაც აღერისიანი თვალთ უცქეროდა მტევნებით დახუნძლულ ვაზებს.

შე საშხრთილად იცქირებოდა და ყოველი მარცვლი მინასავით გამჭვირვალე იყო. ოთარიკომ თავისი პატარა ხელით გამოსწია გიდელივით ჩამოგრძელებული მტევანი.

— შე რქაწითელი მირჩვენია, — თქვა შხიამ.

— იპ, მართლა რომ არაფერი იცო, აი, შეხედე!

— როგორ, ეს მაგაზე ნაკლებია? — შხიამ რქაწითელის უფრო გრძელი მტევანი გამოსწია.

— აბა ვისინჯე! — და მარცვლი მიაწოდა ოთარიკომ.

შხიამ ისე ჩაიდო პირში, თითქოს პირველად ნახულობდა მის გემოს.

— ორივე კარგია, — უპასუხა მოკლედ.

— მაგრამ კრახუნა მინაც უყვარესია, ადვილი მოსაწევეტია, — სიცილით თქვა ოთარიკომ.

შხიამაც გადაიხარხარა.

— აჰა?! თორემ მაგისათვის გიყვარდა?

ისინი შევიდნენ ეზოში, ხელში ეჭირათ გრძელი მტევნები და მარცვლებს პირში იყრიდნენ.



მოხსახსებულ ჯურებს გილანჯული სარქველები ახურავს. თავგა-
ზოვლესილი სანახელიც შხად იყო ყურანის ჩასაყრელიდ.

შია და ოთარიკო თავიანთი პატარა ხელკალათებით უფრო-
სებზე წინ გარბოდნენ ზვარისაცენ. კოლმეურნეთა მთელი უბა-
ნი ჩადგა ვრცელ ფართობში. იყო სიცილიკისკისი, დროდადრო მეტად კარგი და მაკო-
ცხლებელი სიმღერა.

ოთარიკოს ბაბუა მაქსიმელა ყველაზე ხნიერი იყო. წვერი ჰქონდა ბამბასავით თეთრი,
გრძელი და განიერი. მწყერჩიტასავით დადიოდა. მისი წელშატობა ახალგაზრდებსაც კი ეხარ-
ბებოდათ. ახლაც შუაში იდგა მაქსიმელა, თითქოს ყველანი თავისი შვილები და შვილისშვილები
იყვნენ. ის დაუსრულებლად ლაპარაკობდა.

— დიდი ნაშრომი კაცი ვარ, ვენახის შენა რომ შემოვიდა, პირველად მე გავაკეთე.
მერე მთელ სოფელს ჩემგან მაჰქონდა კვარტი. ვაცეთე, ვაცეთე ასე და...

— ჰო, ჩემო ბაბუა მაქსიმელა, აკეთე, აკეთე, მაგრამ მაინც ერთ ხელისდადებზე გქონ-
და გაშენებული, — შეესიტყვა მგზობლის კომკავშირე-
ლი ბიჭი.

- არა, ჩემო კარგო, შრომა თავიდანვე მიყვარდა.
- გიყვარდა, მაგრამ შრომის ფასი რა შეგქმენი?
- ბევრი, — უცებ უბასუხა მაქსიმელა.
- მაინც?
- შვილები, შვილიშვილები.



შია და ოთარიკო ჰკრფდნენ ყურძენს და ბა-
ბუას დაუსრულებელ ბაასსაც ყურის უგდებდნენ.

- ეს კარგია, მაგრამ ვენახი?
- ვენახი აჰა, ეს ხომ ჩემია. ვთოხნი, ესხლავ, ვკრეფ. იმ თვალუწედენ ყანაში მღკ ჩემი
წილი მაქვს. ამიტომ ვარ წელმაგარი კაცი. რაც ახალგაზრდობაში ვიკვნესე, ახლა ათჯერ
მეტს ვიციანი.
- აჰაი, ბაბუას სიციცხლე, ბაბუას გახარება! — შესძახეს ახალგაზრდებმა ყოველი მხრიდან.

ბაბუა მაქსიმელა უფრო გახალისდა და ოქროსთვალემა ყურძნით კალათას ავსებდა. მზიასა
და ოთარიკოსაც უხაროდათ, ბაბუასაც რომ ასე გულთბილად მკცეოდნენ. ისინი დახტოდ-
ნენ ვაზების ძირებში. დამანი კალათების ავსებაში ერთმანეთს ეკაბრებოდნენ. ვილაკამ სიმ-
ღერა წამოიწყო:

ჭირიმე შენი ფეცისა,
მოვეცდები მე შენს ძირში,
შენით ვარ მზენ და გულადი,
იმედით ვასაჭირშია!

- ავყენ სხვებიც და სიხარული ტრიალებდა ზვარში.
- ეგ ძველია, სხვა ვთქვათ, — შეიტანა რომელიღაცამ შესწორება.
- ძველია, მაგრამ კარგია, — უბასუხა ბაბუა მაქსიმელამ.



აა ამ შემოდგომაზე უკეთესი; რამდენი ხილია, რამდენი ყურძენი! — წამოიძახა ოთარიკომ.

ზვარიდან წამდაუწუმ გამოჰქონდათ ყურძნიანი გოდრები. თავი ედგათ ოქროსფერად. იცებოდა უშველგებელი საწნახელი, ხოლო ზვარში ისმოდა გაბზული ხალისიანი სიმღერა.

— ახლა ბაბუა, — მოგვიანებით დაიწყო მაქსიმელამ, — ყურძენს ჰკრეფ და შემოდგომა როგონს, მაკამ მოვა დრო და ზამთარი მოგეწონება, ეს რომ რძისფერი ღრუბლებით გაივსება და თოვლის თეთრი ფანტელები გადმოცვიკდება. ვინ გაგასწრებთ მაშინ თოვლში, შემოდგომა კი აღარ მოგავიწყდებათ...

— ერიპა, მაღლიდან რომ ცივით დაეშვები! — ინატრა ოთარიკომ.

— მოდის გაზაფხული, მწვანე და ხავერდოვანი, განაგრძობს კვლავ მაქსიმელა, — გაზაფხული სიკოცხლეა, სიხარულია. გაზაფხულსა და ბავშვებზე ერთი მშვენიერი ლექსი მასსოვს:

ჭრელი ბებელა დაათრო
და გააბრუა იამა,
მას მიეპარა ყმაწვილი,
დაიჭირა და იამა.

— ბაბუაჲ ყველაფერი იცის, ყველაფერი, — სიხარულით წამოიძახა მზიამ და სავსე კალათა გოდორში ჩააპირქვათა.

— მოვა ზაფხული და ჰაიდაა, მდინარიდან ვინღა ამოგიყვანთ!

— ყველა კარგი ყოფილა, ყველა, — ერთხმად წამოიძახეს დღმა და პატარამ.

— შემოდგომა ხომ თვითონ გელაპარაკებათ თავის სიმშვენიერზე. — დააბოლოვა ბაბუამ.

— ნამდვილია, — დაეთანხმენ კიდევ.

მზე დაწურული იყო და საწნახელი თავდადგმული იდგა. ვენახიდან გამოდიოდნენ მკრეფავები. ზოგს ორორო საშასამი ცალიერი კალათა ეჭირა ხელში და ზოგსაც აკიდოები მოჰქონდა ლერწებით აჭრილი. მგრამ სულ სხვაგვარი სიხარულით მოარბენიებდნენ აკიდოებს მზია და ოთარიკო, თითქოს ყველაზე უკეთესი მოჰქონდათ. ფოთლიანი პატარა ლერწები სულ მტევნებით იყო სავსე. ისინი მირბოდნენ შინისაკენ, მიჰქონდათ საზამთრო ყურძენი და სიხარული.



ს ღ ი ბ ა ბ ა



(აღმოსავლური ზღაპარი)

ყო და არა იყო რა, აღმოსავლეთის ერთ ჰატარა ქალაქში ცხოვრობდა ორი ძმა. უფროსს ყასიმა ერქვა, უმცროსს — ალიბაბა. ყასიმა ვაჭარი იყო, მდიდარი და ხარბი. ალიბაბა კი ღარიბი გლეხი იყო. ყასიმა უზრუნველად და არხეინად ცხოვრობდა. ალიბაბას კი თავისი ოჯახი მძიმე ტვირთად აწვა კისერზე, იგი ჯალაბის გამოსაკვებად ტყესა და ღრეში დადიოდა, ჭრიდა შეშას და ქალაქში გასაყიდად მიჰქონდა.

ერთხელ, როცა ალიბაბა ტყეში ხეებს ჭრიდა, უცბად ცხენოსანთა რაზმს მოჰკრა თვალი. ცხენოსნები სწორედ იქითკენ მიდიოდნენ, სადაც ალიბაბას შეშით დატვირთული ვირები იღვნენ.

ცხენოსნებს მრისხანე შესახედარობა ჰქონდათ. ყოველ მათგანს უნაგირზე მძიმე ხურჯინი ეკიდა. ალიბაბამ ორმოცი ცხენოსანი დაითვალა.

— ალბათ ყაჩაღები იქნებიან, — გაიფიქრა ალიბაბამ და ძლიერ შეეშინდა, — ვაი თუ მომკლან და ვირები წამართვანო. საგონებელში ჩაყარდა: არ იცოდა, რა ექნა. მალიად ვირები გზიდან გადაიყვანა, თვითონ ხეზე ავიდა და სულგანაბული ელოდა, რა მოხდებოდა.

ყაჩაღებმა ცხენები შეაჩერეს და იქვე ტყის მახლობლად ჩამოხტნენ. ხურჯინები გადმოიღდეს, მხრებზე გადაიგდეს და ერთი მთისკენ გაემგზავრნენ.

ყაჩაღების წინამძღოლი დაწინაურდა. მიუახლოვდა მთას, აღაპყრო ორივე ხელი და ხმამაღლა წარმოთქვა:

— სეზამ, გაიღე!

მთა მაშინვე გადაიხსნა და გამოჩნდა გამოქვაბული.

ბელადი შევიდა, ამაღაც თან შეჰყვა.

ცოტახნის შემდეგ ალიბაბამ დაინახა, რომ ყაჩაღებს ხურჯინები აღარ ჰქონდათ, გამოქვაბულში დაეტოვებინათ. სულ ბოლოს ყაჩაღების მეთაური მოდიოდა. გამოსვლისას იგი მიუბრუნდა მთას და უთხრა:

— სეზამ, დაიხურე!

მთა ისევ დაიხურა.

ყაჩაღები შემოახტენ ცხენებსა და გაქუსლეს.

ალიბაბა დიდხანს იჯდა ხეზე. ძირს ჩამოსვლას ვერა ბედავდა: ეშინოდა, ვაი თუ ყაჩაღები ისევ დაბრუნდნენო. მაგრამ ყაჩაღები არსად ჩანდნენ. მოეწყინა ალიბაბას ხეზე ჯდომა და ძირს ჩამოვიდა.



ალიბაბას კარგად დაახსოვდა ყაჩაღთა ბელადის სიტყვები და გაიფიქრა: მდი-
ლი, მეც გავიმეორებ იმის ნათქვამს, ენახოთ, მთა დამიჯუერებს თუ არაო. ბევ-
რი აღარ უფიქრია, მიიბრინა მთასთან და შესძახა:

— სეზამ, გაიღე!

მთა მაშინვე გადაიხსნა. ალიბაბა, ცოტა არ იყოს. შეკრთა: ვაი თუ ვინმე
გამოხტეს და თავი მომკეთოსო, მაგრამ არავინ გამოჩენილა. გარშემო სიჩუმე
იყო. ალიბაბას გული მიეცა და თამამად შევიდა გამოქვაბულში. შევიდა და რას
ხედავს! რა გინდა სულა და გულო, რომ იქ არ იყო: აბრეშუმის ქსოვილები,
ნაირფერი ძვირფასი ხალიჩები; მაგრამ ყველაზე უფრო გასაოცარი ის იყო, რომ
ერთ კუთხეში ოქროთი და ვერცხლით გატენილი სკივრები და ტომრები ელაგა.

— აფსუს, რომ ყველაფერს ვერ მოვერევი! — სინანულით წარმოთქვა ალი-
ბაბამ.

ცოტა ფიქრის შემდეგ გადაწყვიტა სამი
ტომარა ოქრო მაინც წაეღო, მოიყვანა თა-
ვისი სახედრები, დატვირთა საგანძურით და
ზევიდან ფიჩხი დააფარა. გამოსვლის დროს
მთას უბრძანა ისევ დაეკტილიყო, მთაც მა-
შინვე დაიკეტა. თვითონ კი თავის ნადავლით
შინისაკენ გაეშურა.



შინ რომ მივიდა, ცოლი მოიხმო და ყვე-
ლაფერი უამბო.

— ახლა, ჩემო დედაცაო, — დასძინა ალი-
ბაბამ, — უნდა საჩქაროდ გადავმალოთ ოქრო-
ები, თორემ, ხომ იცი მეზობლების ამბავი:
დაგვიწყებენ გამოკითხვას: „საიდან და რო-
გორ იშოვეთო“. მე წავალ ბოსტანში, ერთ
ორმის ამოვთხრი, შენ კი მანამდე თვალყუ-
რი გეჭიროს.

— მოიცა, ალიბაბა! — შეესიტყვა ცოლი, — ჯერ უნდა გავიგოთ, სულ რამ-
დენი ოქროა ამ ტომრებში. ტყუილ — უბრალოდ რომ მიწაში ჩავმარხოთ, ვინმემ
მოაგნოს და მოგვპაროს, არც-კი გვეცოდინება რამდენი ოქრო დავკარგეთ. ის
არა სჯობია, შენ აქ დარჩე... მე კი წავალ და ჩანახს მოვიტან ასარწყავად.

ბევრი ემუდარა ალიბაბა თავის ცოლს, არწყვა საჭირო არ არისო. მაგრამ
ჯიუტმა ცოლმა თავისი გაიყვანა. გაიქცა თავის რძალთან, ყასიმას ცოლთან, და
ჩანახს სთხოვა. ყასიმას ცოლი ცნობისმოყვარე დედაცაო იყო. უნდოდა გაეგო
ისეთი რა ჰქონდა ღარიბ ალიბაბას, რომ ასარწყავი ყოფილიყო, ადგა და ჩანახს
ძირზე თაფლი წაუსვა.

ალიბაბას ცოლმა არწყვა ოქროები და ნათხოვარი ჩანახს ისევ პატრონს დაუ-
ბრუნა. აბა რას წარმოიდგენდა, რომ ოქროები ჩანახს ძირზე მიეკვებოდა.

ყასიმას ცოლმა რომ ოქროები დაინახა, მაშინვე თავის ქმარს უამბო, როცა
მდიდარმა ყასიმამ თავისი ძმის გამდიდრების ამბავი შეიტყო, შურმა აიტანა. დი-
ლაადრიან ალიბაბას სახლში გაჩნდა.

— შენ, ძმაო, ძალიან ჩუმჩუმა ყოფილხარ, თავს იკატუნებ, ღარიბი ვარო,
ოქროებს კი ჩანახებითა რწყავ. საიდან გავიჩნდა ამდენი სიმდიდრე? გირჩევენია
გამოტყდენ, თორემ ეხლავე წავალ და დაგაბეზლებ.



აღიბაბამ ძმის მუქარა აინუნშიაც არ ჩაივლო, პირიქით, დაიტრახა კიდეც... და ძმას ყველაფერი უამბო. ის სიტყვებიც კი უთხრა, რომლითაც მთა იხსნებოდა და იხურებოდა.

მეორე დღეს ყასიმა ათი ჯორით გაემგზავრა ნაჩვენები ადგილისაკენ, ნიშნეული მთა ადვილად იპოვა და შეპყვირა:

— სეზამ, გაიღე!

მთა მაშინვე გადაიხსნა. ყასიმა შევიდა. მთა ისევ დაიხურა. ყასიმა დიდხანს ათვალღერებდა განძეულობას, მერე გადაარჩია რაც მოეწონა და ის იყო ჯორები უნდა დაეტვირთა, რომ გასავალი დაკეტილი დაუხვდა. ელდა ეცა. ბევრი იფიქრა, მაგრამ ვერ მოიგონა ის სიტყვა, რომლითაც მთა უნდა გახსნილიყო. ათასი სიტყვა წარმოთქვა, მაგრამ არც ერთი არ მოქმედებდა. ყასიმას თავხარი დაეცა, რამდენსაც მეტს ცდილობდა მოეგონა ის ჯადოსანი სიტყვა, მით უფრო და უფრო იზნეოდა. დიდხანს იყო ამ ტანჯვაში. უცბად მოესმა ცხენების თქარათქური, მიხვდა, რომ ყაჩაღები იქნებოდნენ, უნდოდა დამალულიყო, მაგრამ გვიანლა იყო. ყაჩაღების მეთაური თავს წაადგა. უცხო ადამიანი რომ დაინახა, ელეთმელეთი მოუვიდა, იშიშვლა ხმალი და დაუბატყებელ სტუმარს თავი გაავდებინა, მერე თავის ამალას უბრძანა: ლუკმალუკმა აუწუთ და სხვათა შესაშინებლად კარებთან დაპყარეთო. ასეც მოიქცნენ.

ყასიმას ცოლი ელოდა ქმარს, ელოდა და რომ დაიგვიანა, ძალიან შეწუხდა ვეღარ მოითმინა და ამბის შესატყობად აღიბაბასთან გაიქცა. აღიბაბა მიხვდა, რომ მის ძმას რაღაც უბედურება დაატყდა თავს, გაირეკა თავისი ვირები და წავიდა ტყისაკენ. მთას რომ მიუახლოვდა, თავისი ძმის აკუწული გვამი ნახა. აპკრიფა, ტომრებში ჩააწყო და შინ წამოიღო, რათა წესისამებრ მიწისთვის მიებარებინა.

გვამი რომ ასე აჩენილი არ დამარხათ, საჭირო იყო სხეულის შეკვრვა. ამიტომ უნდა მოემებნათ ისეთი ადამიანი, რომელიც საიდუმლოსაც შეინახავდა და შეკვრვასაც მოახერხებდა. ეს საქმე იკისრა ყასიმას მოახლე გოვამ მორლიანამ.

მორლიანა ძალიან მოხერხებული ქალი იყო,

ყასიმას სახლის მახლობლად მოედანზე ცხოვრობდა ერთი ღარიბი ხარაზი, სახელად ბაბა მუსტაფა. მორლიანა ამ ხარაზთან მივიდა და უთხრა:

— იცი რა უნდა ვითხრა, ბაბა მუსტაფა, — და დაზგაზე ოქროს ფული დაუდო, აიღე შენი ხელსაწყო და გამოძეე. მხოლოდ გაფრთხილებ, ერთ ადგილას თვალეები უნდა ავიხვიო.

ხარაზი ამაზე უარს ამბობდა, მაგრამ როცა მორლიანამ მეორე ოქროც გაუწოდა, მაშინ კი იკადრა წასვლა.

მორლიანამ ხარაზი აღიბაბას სახლში თვალახვეული მიიყვანა და მხოლოდ მაშინ აუხსნა თვალეები, როცა ყასიმას გვამთან გაჩნდნენ.

ბაბა მუსტაფამ მორლიანას ბრძანებით. გაკერა ყასიმას სხეული, შემდეგ მსახურმა კვლავ აუხვია თვალეები მუსტაფას და ისე გაისტუმრა. წასვლისას მორლიანამ მესამე ოქროც აჩუქა და გამოეთხოვა. ყასიმა დიდი ამბით დაკრძალეს, მისმა ცოლმა კი ხმა დაარხია, ჩემი ქმარი მოულოდნელად გარდაიცვალაო.

აი, ასე დაიღუპა აღიბაბას უფროსი ძმა ყასიმა თავისი შურიანობისა და გაუმადრობის წყალობით.

(დასასრული იქნება)

თარგმანი ი. შანიშვილისა


ნიკო კახიძე

ხელისსახთელა

ჩვენი ტბები კარგები არიან მარტო იმით კი არა, რომ ლამაზები არიან, არამედ იმიტაც, რომ შიგ მრავალი თავისებური მცენარე და ცხოველი ცხოვრობს. აი თუნდაც მთა-ბორჩალოში შამბიანის მთის კალთაზე მდებარეობს ერთი პაწაწინა კოპწია ტბა, მისი ნახვა ყველას გაეხარდება, რადგან ტბის ლურჯ ზედაპირზე გადაშლილია ღუმფარას თეთრი და დიდი ყვავილები; ეს მცენარე ჩვენში ბევრგან არაა, მხოლოდ ზოგან თუ დარჩენილა, მაგრამ ღუმფარაზე საინტერესო ამ ტბაში სხვაა: წყლისსახთელა.

მართლაც რომ წყლის სახთელია! ერთადერთ მოწითალო ღეროზე ყვითელი ყვავილი აღივით ანთია, და თუ ქარმა დაუბერა, იგი წყლის ზედაპირზე მოკურავს. ვაკვირდებით: ნუთუ ფესვები არა აქვს და მიმაგრებული არ არისო? მართლაცაღ ფესვები არა აქვს. მაშ როგორ საზრდოობს? აი როგორ: წყლის ზედაპირზე მარტო ღეროა, ერთი ყვავილით, ფოთლებიანი ტოტები კი მთლიანად წყალში აქვს ჩაყურყურდავებული. ამ ღეროზე ორნაირი ფოთოლია — ერთი ჩვეულებრივი, დაკუწული, მეორე კი პაწაწინა პარკსა ჰგავს. ისიც ფოთოლია, მაგრამ პარკად ქცეული. ეს პარკი ნამდვილ ხაფანგსა ჰგავს. მას ცალი მხარე ღია აქვს, და ამ ღია კართან შიგნიდან პაწაწინა ნაზი ბეწვები აქვს მოფარებული. ამ პარკში ხშირად დიდი უბედურება ტრიალდება, მრავალი პაწაწინა მწერის სი-ოცხლე იღუპება.

წყალში მრავალი პატარა მწერი და ცხოველი დაკურავს, მაგალითად, მარად მოუსვენარი პაწაწინა დაფნე. ცელქობს წყალში, ტრიალებს, თითქმის ხტუნავს. ამ ტრიალ-ხტუნეაში პარკის ღია კარით ხშირად თავს ამოყოფს ხოლმე შიგ პარკში, მაგრამ კარში ვეღარ გამოდის, რადგან ბუსუსები, ზევიდან ქვევით რომაა ჩაშვებული, კარს უხურავენ, აღარ უშვებენ...



აწყდება ეს პაწაწინა ცხოველი ირვლივ მაგარ კედლებს, იღლებს. მკვდარი მწერი იხრწნება და ამ გახრწნილის წვეწვს ითვისებს ეს პარკი, როგორც საზრდო მასალას. პარკიდან ეს საზრდო მთელ მცენარეში ნაწილდება...

ასეთი პარკი ბევრი აქვს, აურაცხელი, და ვინაიდან დამდგარ წყალში ასეთი პაწაწინა ცხოველი ბევრია, ამიტომ ბევრიც მოემწყვედვა ხოლმე ამ უცნაურ ხაფანგში და მცენარეს საზრდოდ სავისებით ჰყოფის.

ა. აპოკალიფი

კ ა ზ ა რ ა ღ ი ზ ი კ ო

დაცუნცულებს ყურცკვიტა,
სახეპირმოციხნარი,
სულ ტიკტიკებს, ქიკტიკებს,
კარშია თუ შინ არი.

და თუ ნახეთ როდესმე
თვით საწოლში მძინარი,
გაოცდებით და იტყვიით:
— მტრედია, თუ ვინ არი?

დალულუნებს, თავს ველება
დედოფალა ანასა,
ჩვილ ტუჩებს აცმაკუნებს,
ეუბნება ნანასა.

„იძინეო, იძინე,
გეტყვი გამოცანასა,
სხვა მეგობარს ვერაგზით
ნახავ ჩემისთანასა“.

დილით აღრე საწოლში
თვალს გაახელს მძინარი,
წამოდგება საჩქაროდ
სახეპირმოციხნარი..

დაცუნცულებს ყურცკვიტა,
კარშია თუ შინ არი,
სკოლაც უყვარს ღიზიკოს,
სწავლაშიაც წინ არი.



ღაღო კახიანი

მ ა რ ვ ზ ლ ა რ ბ ი

ხმელთაშუა ზღვის სანაპირო ქვეყნებში (ალეირი, ტუნისი, ტრიპოლისი, იტალია, საბერძნეთი) და აგრეთვე ეგვიპტეს სუდანში ცხოვრობს ერთი საკვირველი ქმნილება, რომელსაც ჩვეულებრივ მაჩვილარს უწოდებენ. უჩვეულოდ გაჯაგრული ტანი, სუსხიანი ეკლებით მოსილი კული, გრძელი ფაფრიანი კისერი

მას მეტად საინტერესო ცხოველად ხდის მასზე ნადირობა ვანსაყოფრებით იტალიაშია გავრცელებული. მონადირეები ხალისითა და გატაცებით დასდევენ უცნაურ, უმსგავსო არსებას, კლავენ ან დატყვევებული მიყავთ სახლში. საბრალო მხეცუნა სუსტად არის შეიარაღებული მძლავრი მტრის წინააღმდეგ ბრძოლისათვის, კბილები და წვეტიანი ისრები, რომელიც მას გააჩნია, საკმაოდ სუსტია არამც თუ ვინმეზე თავდასასხმელად, უბრალო რიგიანი თავდაცვის წარმოებისათვისაც კი. როცა მტერი თავს ესხმის, ის მიმართავს ერთს ფრიად ახირებულ საშუალებას: უმაღლე აიჯაგრება, ნემსისებრ წვეტოვან ისრებს აღმართავს, ამ ისრების და კულის მძლავრად ერთმანეთზე და მიწაზე ცემით საშინელ ხმაურს, ზმუილსა და ალიაქოთს ტეხს... ეს



ხერხი ხშირად ჭრის, თავდამსმელი კრთება საშინელი სანახაობის წინაშე და უკან გარბის.

ნაცალი მონადირეები კარგად იცნობენ ბაქიბუქა და ფაფხურა მაჩვზღარბს. ზოგჯერ პირდაპირ ჯიქურ მიდიან მასთან, ფაფარში მარჯვედ ავლებენ ხელს და სახლში არხეინად მიაჩანჩალებენ. შეშინებული მაჩვზღარბი ასეთ შემთხვევაში ისე იბნევა, რომ სრულიად ავიწყდება თავისი მჭრელი კბილების დროულად ამოქმედება.

ძლიერ უჭირვებენ მაჩვზღარბს საქმეს მეძებარი ძაღლები. ჭირვეული მეძებრები მის კვალს ადვილად აგნებენ, შემოარტყამენ ალყას და მონადირეებს ყფით აცნობებენ, რომ „ნადირი“ დატყვევებულია.

მონადირეები მაშინვე მიეშურებიან ნაჩვენები ადგილისაკენ და თავისებურად ბრძოლის შემდეგ საბოლოოდ ეუფლებიან დამარცხებულ ტყისშვილს. მაჩვზღარბს ზოგან ჭამენ, უმეტეს ნაწილად კი სათამაშოდ, გასართობად იყენებენ: დაატარებენ ქუჩა-ქუჩა, სანახავად დიდალი ხალხი აწყდებათ, მოშინაურებულ ცხოველს სასაცილოდ ათამაშებენ და ამით მისი დამტარებლები ფულს აგროვებენ მაყურებლებისაგან. მაჩვზღარბს საერთოდ არავითარი ენება არ მოაქვს აღამიანისათვის, ის არავის არ ესხმის თავს, კმაყოფილდება მცენარეულით. ჭამს ბალახს, თავცეცხლს, ხის ძირებს, კანს, ნაყოფს და სხვ.



მაშამ თავის ზატარა ვაჟს, გივის, ერთი ვაშლი მისცა. გვიმ ვაშლი მაშინვე ზირისაკენ გააქანა და ძაღუ კუჭის ფსკური უჩვენა. ვაშლი რომ გატავა, მან მწარე ტირილი მორთო. მაშამ მისგან, რომ ტირილის მიხედა ვაშლის გათავება იყო, და უთხრა:

— შე კბი გაცო, ამიტომ რა გატო

რებს? ერთ ვაშლს კიდევ მოგცემო. — და, მართლაც, ერთი მშვენიერი წითელი ვაშლი კიდევ მისცა. ბავშვმა ვაშლი გამოართვა და ტირილს კიდევ უფრო უძებრა.

მაშას გაუფიქრდა და ჰკითხა:

— ახლა რაღა გატირებსო?

— იგი რომ არ შეშუპდა, ახლა ორი ვაშლი შექნებოდაო, — ცრემლების ელავით უნასუსა ბავშვმა.





გ ა მ ო მ ა ნ ა

ტანჯატარა არსება,
მიწაში აქვს მუდრო ბინა,
არასოდეს არ მომხდარა,
რომ მას კაცი დაეებინა.

სვეთ ისე ამოძვრება,
რომ არ უნდა სულაც ბარი;
ჭია-მატლებს მარჯვედ სოცავს,
არის ბოსტნის მეგობარი.

ალ. საჩინოელი

ამომანე ასათეზა



აქ დასატული ფიგურა წარმოადგენს
4 კვადრატს, რისთვისაც გამოყენებულია
12 ცალი ასანთი.

როგორ შეიძლება 12 ღერი ასანთის
გამოყენება და დალაგება ისე, რომ მი-
ვიდოთ სპი კვადრატი?

ალ. თევზაძე

გ ა მ ო მ ა ნ ა

ესოში დადიოდნენ ღორები და ბატე-
ბი. მათ გასარეკად ბაბუა ნიკო და შვი-
ლიშვილი აკაკი გამოვიდნენ. შვილი-
შვილმა ბაბუას ჰკითხა: რამდენი ღორი და
ბატი ვუყავსო? ბაბუამ მიუგო: 25 თავი
და 70 ფეხია. ასლად შენ თვითონ მიხედი,
რამდენიც იქნებაო. შვილიშვილმა იფიქ-
რა და გამოიცნაო.

მამიქორის სოფ. აბედაიის არასრული
სამუალო სკოლა VII-კლ. მიწ. ჯოდორა დალიანი

რედაქციისაკან: თუ „ოქტომბრელი“ მკით-
ხველები გამოიცნობენ, მათ გვარებს მომავალ
ნომერში დაგვუქდათ.